

大清宣統政紀卷二十一

宣統二年庚戌三月乙巳朔籌辦海軍大臣貝勒載洵等奏海軍成立尙待時日請將浙省水師各營暫緩裁撤以資防衛依議行

包摺

署兩廣總督袁樹勛奏粵省辦理審判廳粗具規模

一編制期限清單酌定商埠各級廳數併確計建築經費官吏薪公一造就各項司法人才一通籌全省監獄看守所以上三端均屬提綱挈領之事經臣督率主務各員統籌全局循序進行又奏各國法庭皆設律師爲兩造代理一切質問詰駁等事日本明治維新即首定代言人職制後復改爲辯護士法推行至今有利無弊我國現值改良審判之始似宜採用列邦通制以臻完善且近來通商各埠人民延請外國律師辦案已成習慣將來收回領事裁判權之後國際私法之交涉日益繁多使非養成多數辯護之才尤恐相形見絀核閱現行部章於法制

經畫已極詳明若再加入律師一門似較完備現經遴選法政畢業生專開律師研究班以資練習擬請飭下法部訂定律師專法頒行一面通飭各省審判廳准用律師參與審問似於司法前途不無裨補均下部知之

摺包

東三省總督錫良等奏江

省地廣人稀上年於扎賚特蒙旗所屬之哈拉火燒地方試辦屯墾採用屯田之法兼寓殖民之方原爲實邊至計乃開辦逾年殊鮮成效固由擇地不審用人不當亦以兵民分途已久強置身戎行之人作躬耕隴畝之計實爲情所不便而習所難安擬請停止兵丁改招民佃以便通爲補苴洵足以救前失而圖後效如果著有成績再行切實擴充於實塞殖民均有裨益下部知之

摺包

正黃旗蒙古副都統署江北提督王士珍因病乞

休以雷震春署江北提督

現月

丙午貝勒載洵等奏

崇陵工程各段工作近日所進匠役已較去年加多原以工程重要

自不得不上緊趕辦惟查第一段

地宮分位左右剗深之處漸露巨石多處鑿打頗覺費力且性頗潮溼有無沙水尙難預料

方城地基土質近似砂石將來打樁誠恐不易著手第二段

隆恩殿地基西北角近倚山根迤邐東南土石深淺不一打樁試驗

施工甚難第三段

殿座之下亦多見有砂石第四段自

碑亭牌樓門前以次地勢愈低多有砂石積水現飭各廠商妥

慎設法辦理得旨即著承修大臣妥籌善法以期鞏固而昭敬

慎摺以前內閣學士陳寶琛爲內閣學士兼禮部侍郎銜現

命興京副都統靈熙留京當差現丁未諭軍機大臣等憲

政編查館會奏遵議考驗外官畫一辦法並續增章程一摺著

依議現都察院代遞廣東京官胡蓉第等呈廣東賭害甚烈

胥一省之人無貧無富無老無少羣陷溺於賭博之中蕩產傾家強壯者散爲盜賊老弱者流爲餓殍甚至婢僕因賭起竊爲家長呵責而輕生婦女因賭喪財爲匪類引誘而失節種種禍端不堪枚舉是以廣東盜風甲於他省賭害一日不除即盜風一日不息或謂廣東賭餉皆爲待支的款一旦短收勢必支絀異常諸事更形竭蹶職等亦知賭餉甚鉅籌措爲難然粵省以富庶著稱出入款項果能認真整頓亦無難籌措就令一時未能抵足度支部總攬天下財政酌盈劑虛理應設法代謀以資挹注擬請飭下兩廣督臣實力嚴禁另籌抵款并飭度支部協同謀畫挹彼注茲藉資彌補下部知之

摺包

戊申諭內閣督辦

鹽政大臣載澤奏遵旨詳議一摺各督撫電奏鹽政章程不無窒礙各節既據該大臣詳細聲明酌量變通應如所奏辦理各省鹽務糾轡紛紜非統一事權不足以資整頓各該督撫等務

當謹遵上年十一月十九日諭旨與該大臣和衷共濟妥協辦

理以副朝廷整飭畿綱之至意

現月

又諭霍倫泰奏請飭查明

賊款籌還國債一摺援引既屬錯誤措詞尤多失實至片奏各節乃舉地方案件臚列多端率請查辦副都統本無糾察之責

外官賢否豈能深悉其爲受人喉使情節顯然著傳旨申飭原

摺片擲還

現月

諭軍機大臣等電寄張人駿等據電奏揚州購

米平糶約需六萬石通州購米五千石運回接濟請飭沿途關

釐各卡一併免納稅釐等語著照所請

電寄

翰林院侍讀榮光

奏大學堂所設經學三科於詩不曰詩科而曰毛詩科於春秋

不曰春秋科而曰左傳科詩齊魯韓三家何以獨專用毛春秋

公穀左胡四傳何以獨專用左縱不知經義廣大欲以專制手

段治經亦祇可正其名曰詩科而旁注曰專習毛正其名曰春

秋科而旁注曰專習左使箋記傳注之名不得與經相混請飭

下學部速爲更正以維經學而宏造就下部知之

現月

署兩廣

總督袁樹勛奏遵籌新軍善後事宜查近年創辦新軍沿用徵兵名詞遂謂各府縣均應徧徵不問其習慣如何風尚如何於是游惰之民及兵匪夾雜之處亦或派員前往招募又慮招之不至也復設爲當兵應得種種權利以歆動之而於兵人應如何服從命令耐習勤苦概置不講而上官或即以應募之多寡爲考成迨募集以後帶兵之員又非即募兵之員情意既多隔閼黠者遂得間而乘之先餽以自由獨立似是實非之學說使軍心披渙脫離服從之羈絆於是一切邪說浸潤漬灌咸深入其彀中而不覺各省新軍釀變其近因或由於無意思既也遂至橫決離奇不可收拾所由來者漸矣今日懲前毖後斟酌變通應先從根本解決者有三一曰展緩成鎮期限上年前督臣奏報本有先成一鎮之說今茲之變舊有者已去七營此七營

弁兵有確係有心從逆者有臨時猝被裹脅者有并不知情畏
避逃去者其時人心惶惶若不暫予遣散仍恐良莠不齊難保
無外來脅誘內爲接應之慮當即明訂遣散章程通飭辦理今
爲成鎮年限計則今屆但能募足已散之七營其餘所缺營數
於明年補足精加挑選既非強迫亦非利誘須令人人先知當
兵服從勤苦之義務稍寬其招募之時間從容演講俾被募各
兵不至如從前之誤會募兵之員即酌派爲下級以下各官長
以期情意浹洽似此實事求是步步爲營不患其不速但患其
不達即論粵省財力截長補短亦僅止於此擬展至宣統四年
先成一鎮再行賡續辦理一曰酌定募兵處所粵省瀕海幅員
綿長邪說鼓吹亦較他省爲甚其向來多數學說紕繆之處亦
暫時勿徵將來指定地段如質樸剛勁有當兵資格無一切游
惰囂張之習及夾雜匪類者乃派往招募從前直隸初辦新軍

亦指定數府州縣招募並非邑邑相屬到處皆徵然尙有根本中之根本焉曰軍人教育曰辦事權限二者必相輔而行查各國軍人均受有普通教育吾國教育尙在幼穉時代安得如許身受教育之才列入軍界其號稱剛勁者或資質椎魯其桀黠之徒稍稍知書識字則動爲邪說所中觀於此次新兵釀事其主動多在中下級以下各官長聚無數椎魯桀黠之兵而仍寄之椎魯桀黠者之手更浸淫乎外來之誘脅蓋自古治兵未有危於今日者矣急宜變通章程予統將以特權而籌備各事之權則屬之督練公所賞罰行政之權則操之協部庶綱舉目張畫一不紊又軍諮處奏定陸軍人員補官暫行章程載明各項官佐必須由陸軍學堂出身方准補充夫中下級以下各官長職司管帶訓練誠非該學堂出身不能造車合轍至於上級官長則必學識與經驗兼備而又忠果樸實知整軍經武實爲我

國臥薪嘗膽最後時代此其人即非學堂出身然有部章以範圍之不患不合爐而冶於是時加申儆挈領提綱設爲種種淺近歌謠略補軍人之教育賡理既密外邪自不能乘或謂學堂出身安知即無忠果樸實之人不知學識可自外而輸經驗必由漸而得卻穀勝楚有敦詩說禮之風周勃安劉爲厚重寡文之效即中興諸名將其始亦飽歷艱苦又植根於學問始建偉大之業日本海軍大將東鄉平八郎亦有一生北面陽明之語故臣以爲上級官長宜酌用學識經驗俱備之員不必拘定學堂出身此爲處常慮變起見非此則提挈不得其人滋蔓何堪設想以上三端雖變通部章然爲粵省計爲大局計前車之覆後車之鑑不得已而出此今且不言噬臍何及下所司妥議具奏尋軍諮處奏該省所請展緩成鎮期限擬請照准該督所陳既係募兵自應擇地召募以免流弊督練公所爲軍事總匯之

區並有整飭本管營務之責既以督撫爲之長官則賞罰行政諸大端均應稟承督練公所不能由協部自爲主持權限原自分明無待重行更定軍諮處奏定陸軍人員補官章程凡補充各項官佐以學堂出身爲限非謂但由學堂出身而其餘資格遂可不計也前據該督來電協統張哲培撤差查辦委廣西巡防營幫統任福黎暫代並未詳述該員備完全之資格當由電覆須行另選始據該督電稱該省現無合格人員茲該督奏稱任福黎懷忠抱慤足以力挽詖邪自應暫准代理以專責成從之直隸總督陳夔龍奏元儒劉因學術精純志行卓越前明請從祀者七次均格於時議自勝國以迄昭代儒臣迭有論辯前修未沫公論益彰應請俯准將其從祀

文廟以闡幽潛而資坊表下部議

包摺

鑲黃旗蒙古副都統承祐因

病乞休以吳祿貞爲鑲黃旗蒙古副都統

現

以督辦延吉邊

務賞吉林巡撫陳昭常頭品頂戴

摺包

己酉諭軍機大臣等電

寄雲貴總督李經羲據電奏雲南威甯州關寨一帶邪匪三路
攻襲昭城嚴飭鎮府分投堵剿拿獲匪首李老么等旋即殄滅
等語辦理尙屬迅速在逃各匪仍著督飭嚴拿毋任漏網所請
獎勵出力官紳俟逸犯拿獲後再行請旨

電寄

又諭電寄江西

巡撫馮汝駉據電奏拏獲萍鄉一帶會匪黃再生即黃驥等分
別正法監禁等語所有該匪等供出餘匪仍著督飭嚴密查拏
毋任漏網

電寄

浙江巡撫增韞電奏前請截留新漕四萬石經

部議令如數趕運查上年浙省灾歉甚重請仍截留以濟平糶
俟下屆如數補運下度支部議

電寄

學部左侍郎嚴修因病乞

休以右侍郎寶熙轉左侍郎李家駒爲學部右侍郎

現月

庚戌

諭軍機大臣等有人奏疆臣縱庇私人濫殺多命請飭查辦一
摺著陳夔龍按照所參各節確切詳查據實具奏原摺著鈔給

閱看

廷寄

又諭電寄湖南巡撫岑春蓂據電奏湖南省城米價

陡漲有痞徒煽惑貧民聚衆滋擾毆傷官長打毀衙署並燒燬

教堂實屬藐法已極著岑春蓂認真彈壓切實保護速即解散

脅從嚴拏首要從重懲辦勿稍疏縱岑春蓂未能先事預防著

交部議處其該管地方官亦有應得之咎著該撫查明參辦並

將嗣後辦理情形隨時電奏

電寄

又諭電寄岑春蓂電旨發後

接該撫初五日二次電奏痞棍滋事有放火燒燬房屋情事實

屬不法著該撫督同莊賡良切實開導立即解散勿稍延誤所

請派員護理撫篆各節著毋庸議

電寄

又諭電寄湖廣總督瑞

澂電奏鄂省灾重籌款維艱原賴報効接濟請將前請優獎之

河南修武縣知縣張序等仍照原請給獎等語既據該署督聲

請灾重款絀賑務迫急著照所請

電寄

又諭電寄庫倫辦事大

臣三多等電奏宣營官兵在車盟與馬賊接仗兵單槍舊請派

兵救援等語著周樹模轉飭呼倫道迅速派兵前往接應並著

三多就近設法防剿毋任蔓延滋擾

電寄

陝甘總督長庚奏甘

省設立審判廳籌辦處研究所並附入巡警兵檢驗吏分別課

習及籌款建築酌定章程下所司知之

摺包

江南長江水師提

督程文炳奏本年長江水師各營防地緊要擬請緩調春操以

資鎮撫從之

摺包

辛亥諭軍機大臣等電寄直隸總督陳夔龍

電奏湘省飢民聚衆滋鬧顯有匪徒煽惑希圖乘間生事應厚

集兵力妥速查辦請飭鄂省速撥陸軍數營乘輪赴湘會同湘

省軍隊查拏首要解散脅從等語現據瑞澂電奏已派李襄鄰

率帶一營由兵輪拖往湘省彈壓矣

電寄

又諭電寄川滇邊務

大臣趙爾豐電奏三巖工布等處土番前有捆縛兵弁搶擄地

方情事擬將邊軍調回次第剿辦等語現在藏事粗定不可過

事誅戮以致番衆驚疑趙爾豐務當體察情形妥慎彈壓鎮懾

毋稍操切

寄電

又諭電寄湖廣總督瑞澂等電奏因湘省痞徒

擾害勢必迫急當即飭派將領統兵前往彈壓等語辦理甚合

機宜著瑞澂岑春蓂速即飭屬解散脅從嚴拏首要務獲重懲

並切實保護各國官商教士毋稍疏忽仍著將辦理情形隨時

電奏

寄電

予雲南陣亡被戕瘡故文武員弁書識蘇天爵等十

六名兵勇何保國等二百七十九名例卹有差

摺包

壬子諭軍

機大臣等電寄兩江總督張人駿據電奏湘省飢民滋事長江

一帶請派兵輪相機防護等語著海軍處速爲酌派兵輪多配

礮碼刻日馳往長江一帶歸張人駿暫行調遣

寄電

又諭電寄

湖南巡撫岑春蓂初六日兩次電奏稱痞徒放火滋鬧其勢更

兇當經擊斃數名並拏獲五名正法見正趕辦平糶市面已照

常貿易並自請從重治罪派員署理撫篆各等語此次飢民藉

端滋事膽敢焚燬衙署學堂波及教堂勢甚猖獗實屬目無法

紀岑春煊辦事失當昨已有旨交部議處著先行開缺聽候查

辦湖南巡撫著楊文鼎暫行署理迅速馳往湖南省城督同文

武員弁嚴拏倡亂之徒盡法懲治以儆刁頑至一切善後事宜

會同瑞澂妥速籌畫隨時電奏其辦理不善之該管地方各官

著一併會同查明參辦電寄郵傳部奏部內設立印刷處凡每

年需用船票車票郵票收發電紙各件概歸該處承辦以昭畫

一而杜漏卮並派員管理得旨著歸度支部印刷局辦理現月

督辦津浦鐵路事宜郵傳部尙書徐世昌等奏遵籌津浦鐵路

由蚌埠渡淮仍應建築呆橋以期穩固依議行現月派農工商

部右侍郎楊士琦爲南洋勸業會審察總長現月予故湖北襄

陽府知府鄭敦允列入國史循吏傳摺包癸丑諭軍機大臣等

電寄兩江總督張人駿據電奏湘省飢民解散人心差定請免

派撥兵輪等語著海軍部知道電寄又諭電寄湖廣總督瑞澂

電奏悉昨已有旨派楊文鼎暫署湖南巡撫馳往該省嚴拏亂徒一切善後事宜會同該署督妥速籌畫並將辦理不善各官查明參辦現在大局雖已少定仍遵前旨嚴拏首要解散脅從所有辦理不善之開缺巡撫岑春煊及該管地方文武各官均著會同認真查辦善後事宜尤須妥慎籌畫以靖地方至東西各國官商教士務飭妥爲保護以免疏虞

寄電

又諭電寄陝甘

總督長庚據電奏拏獲因禁煙出頭斂錢毆官之首犯姚明擬請就地正法並將同謀抵抗之趙汝發永遠監禁等語著照所

請
寄電 甲寅

孝貞顯皇后忌辰

上詣建福宮

聖容前行禮遣官祭

普祥峪